

欽定中樞政考

欽定中樞政考目錄 之二十

綠營

營伍

整飭營伍

存留烏鎗地方

拏獲私造私藏烏鎗

失察私藏烏鎗

失察鐵銃竹銃

失察藤牌

私鑄礮位

典當軍器

火藥局被轟

燒燬兵房盔甲器械

嚴禁兵丁重利放賬

輪派大員稽查臺灣

查閱臺灣官弁

臺灣兵民不法文武推諉徇縱

臺灣禁止私藏弓箭腰刀等項

臺灣兵丁滋事

臺灣換班兵丁脫逃

臺灣兵丁換班頂替

臺灣文武官員互相稽察

調臺官員酌帶跟役

召募餘丁認真選擇

標營不得多設字識

營兵煎販私鹽

竊賊充伍

整飭營伍

嘉慶五年正月內奉

上諭國家設兵原以衛民全在平時操練方能得用第承平日久文恬武嬉各營伍將弁往往自耽安逸竟不以操練爲事而該管上司又復不加查察以致日漸懈弛卽如調兵各省分前曾降旨諭令各該督撫提鎮按數召募新兵以備操防巡緝之用自必勤加訓練悉成勁旅一經調遣卽可得力若僅以兵數充足而不加之訓練仍屬有名無實轉致虛糜帑項著

各該督撫提鎮務須隨時認真操練使之技藝嫻習
悉成可用之兵以飭營伍而重巡防至各省倉儲關
繫民食軍糈若以地方年歲豐稔之時不行買補足
數設遇一隅偏裒或他省有需用之處何以接濟此
皆守土大臣所應隨時經畫者倘經此次訓諭之後
各督撫提鎮等於營伍倉儲仍不肯實力整頓一經
查出必當重治其罪欽此

嘉慶九年七月內奉

上諭永保奏查閱營伍情形各摺據稱將閱過各營官

兵技藝優劣分別等第並將庸劣官弁等酌量降革
及將古州八寨屯軍訓練事宜交總兵武隆阿會同
該管道員就近校閱等事自應如此辦理其所奏貴
州苗疆地方現有修辦碉堡事宜提督富志那熟悉
該處情形請飭令常赴松桃一帶督同文員指示辦
理之處亦著照所請行惟據稱貴州撫標中軍叅將
珠當阿永保自滇起程時琅玕曾言及訪聞該員年
老近日多病囑爲查看永保於校閱時見該員履歷
填註五十九歲實已六旬以外身體病弱不能騎射

請旨將該叅將勒休等語卽著勒令休致但該員既係年老患病琅玕前在黔撫任內自必早經知悉何以並不卽時叅奏此次自因特派永保赴黔查閱營伍慮其看驗得實始將該員年老多病之言向其告知否則仍必隱默不言姑容了事殊屬非是各省武職大員有營伍地方之責衰病人員豈能卧理上官多一日姑容公事卽多一日廢弛前經疊降諭旨令各查明具奏若因此等老病人員內有從前曾經出力者亦何妨據實陳明朕自當酌量施恩或令在京

當差俾資祿養總不應聽其貪戀外任以致誤公卽
如前次將軍張承勲提督珠隆阿總兵孝順阿均經
朕訪聞老疾諭令來京迨到京以後果係龍鍾衰病
可見各省似此者必有外省積習率多容隱若必俟
朕一一訪察則安用封疆大吏爲耶嗣後各宜秉公
查察如屬員內有實在老病者卽行分別奏劾不得
仍前徇庇市私恩而廢公義倘經此次飭諭之後再
不據實陳告將來該員等遇有陛見及引見來京經
朕看出衰老必將該督撫提鎮等治以容隱之罪又

據另摺奏分別營伍兵丁技藝緩急覈別積習請旨
飭交覈議一摺所奏本屬可行有何覈議國家設立
武備所以訓練營伍者惟鎗箭最爲利器不獨衝鋒
陷陣藉資敵愾卽行圍肄武所貴獲禽均當以弓力
勁而有準放鎗捷而多中者爲上其馬射亦須挽強
命中馬上穩實始堪制勝原不在進退步伐間講習
虛文我朝東三省之兵所以素稱勁旅戰則必克者
職是之故今綠營積習於一切技藝率以身法架式
爲先弓力軟弱取其拽滿適觀而放鎗時裝藥下子

任意遲緩中者十無一二卽陣式雜技亦不過炫耀
觀瞻於講武毫無實效永保此次校閱以實甄別所
辦甚是督撫提鎮均有統轄營伍之責嗣後務當飭
知將弁等平時訓練官兵弓以六力爲度箭靶不得
違式暗加寬大放鎗者裝藥下子勾火均須迅速而
總以準頭爲要申明教誡該督撫提鎮等尤不得養
尊處優自耽安逸惟應不時親加覈看以期卒伍皆
成勁旅力挽綠營虛浮積習方爲不負委任將此通
諭知之永保摺併發欽此

存留鳥鎗地方

一各省地方鳥鎗不許存留其湖南省辰州府屬乾州廳鳳凰廳永綏廳辰谿溆浦沅陵瀘溪寶慶府屬城步邵陽新化武岡州新寧沅州府屬芷江黔陽麻陽永順府屬永順保靖桑植龍山靖州并所屬通道綏寧會同衡州府屬常寧歸縣永州府屬零陵祁陽東安道州寧遠永明江華新田郴州并所屬宜章興寧桂陽桂東桂陽州并所屬臨武藍山甘肅

省蘭州府屬循化河州西寧府屬巴燕戎格
西寧碾伯貴德鞏昌府屬洮州岷州甘州府
屬撫彝張掖山丹涼州府屬平番鎮番肅州
廣東省廉州府屬合浦連州屬連山廣西省
桂林府屬靈川興安陽朔永寧永福義寧全
州灌陽平樂府屬恭城荔浦富川梧州府屬
藤縣容縣懷集潯州府屬平南南寧府屬橫
州永淳新寧上思思恩府屬武緣賓州遷江
上林百色泗城府屬凌雲西隆西林鎮安府

屬小鎮安天保歸順奉義山西省太原府屬
岢嵐州嵐縣興縣平陽府屬臨汾洪洞浮山
岳陽汾西吉州鄉寧汾州府屬汾陽孝義石
樓永寧寧鄉大同府屬大同渾源靈邱廣靈
豐鎮廳朔平府屬朔州右玉左雲寧遠廳澤
州府屬鳳臺陵川陽城遼州屬和順沁州屬
沁源武鄉平定州屬樂平忻州屬靜樂代州
屬繁峙五臺霍州屬趙城隰州屬蒲縣直隸
省承德府屬平泉州灤平建昌豐寧赤峯朝

陽四川省雅州府屬天全雅安名山滎經蘆
山清溪寧遠府屬會理州西昌冕寧鹽源松
潘雜谷茂州汶川西陽州并所屬秀山黔江
重慶府屬璧山敘州府屬馬邊屏山雲南省
永昌順寧山東省登州府屬寧海州河南省
河南府屬登封等處地方凡應留鳥鎗捍衛
者准照營兵鳥鎗式製造刊刻姓名具呈地
方官編號登冊至於貴州省有必需防禦之
舊存鳥鎗無論民苗亦俱令報官編號以備

稽察

一 四川省各州縣額設民壯揀派十分之六演習烏鎗該督嚴飭所屬實心訓練與兵丁等技藝一律講求務臻純熟其應給烏鎗編明字號收貯縣庫每遇操演之期赴縣領出演畢卽行繳貯仍令該管上司隨時稽察如該地方官有濫給領出致滋事端者據實查叅交吏部議處

一 閩浙二省沿海各州縣民壯准其演習烏鎗

協同營兵以防洋盜仍令各該州縣將鳥鎗
火藥等項收貯庫內於操演之期始准發給
演畢卽行收貯不許民壯等私存致生事端
並責令該管道府隨時稽察倘州縣官奉行
不力平時不將鳥鎗火藥嚴禁收貯卽將地
方官據實嚴叅覈辦其餘非沿海州縣所有
民壯等概不准演習鳥鎗

一陝西省北之延安榆林綏德鄜州各府州所
屬及省南之漢中興安商州各府州所屬應

留鳥鎗捍衛者准照舊存留刊刻姓名鐫註
字樣具呈地方官編號登冊以備稽查其餘
平川各府州所屬除近山村莊亦准存留外
餘概不准存留

拏獲私造私藏烏鎗

道光二年二月內奉

上諭孫玉庭奏立限收繳私造烏鎗並申明禁例酌
寬處分一摺民間私藏烏鎗恐致日久貽患自應
加以重懲俾知儆畏惟是積習相沿一旦搜拏治
罪不免有滋擾累至地方官顧慮處分轉恐心存
諱匿著通諭各省出示曉諭凡民間家有擡鎗烏
鎗火器者予限半年准其赴官呈繳給價如逾限
不繳除販私及逞兇鬪狠仍按律加重治罪外其

但止私造私藏一經查獲著於按律擬杖之外私造者加枷號兩個月私藏者加枷號一個月以示懲儆地方官雖平時失察如能遇案查拿連械起獲懲辦著卽免其議處並著該部於例內添註其原例內應備不應備字樣卽行節刪至近山濱海地方必應存留烏鎗守禦者報明地方官於鎗械上鑿刻姓名編號立冊存案地方官能於半年限內收繳淨盡並着各該督撫覈實記功註冊量予鼓勵欽此

失察私藏鳥鎗

一鳥鎗一項除各省營汛操演及奏明准留捍衛地方者照舊存留外其餘俱不准存留令各該地方武職員弁隨時實力稽查如平時失察能遇案查拏連械起獲懲辦者該管各官免其議處

一民間私藏鳥鎗地方官失於查拏別經發覺者將失察之該管兼轄各官按其失察次數分別議處至近山濱海地方必應存留鳥鎗

守禦者報明地方官于鎗械上鑿刻姓名編號立冊存案倘不報官編號私自收藏地方官如能遇案查拏連械起獲懲辦者免其議處失於查出別經發覺將該管官照例覈議

例載處分則
例軍器門

失察鐵銃竹銃

一地方失察私藏鐵銃及失察竹銃事汛官照

例分別議處

例載處分則
例軍器門

如自行查出破案

究辦者免議

失察簾牌

一武職該管地方如有失察違禁私製簾牌者

照例議處

例載處分則
例軍器門

能自行緝獲破案究

辦者免議

卓異官貪酷不法原保上司處分

一武職卓異之員原任內有貪酷不法之處原
薦舉官卽行揭報題叅者免議如不行揭報
題叅將原薦舉之提督總兵副將叅將遊擊
等官均照例議處總督巡撫交吏部議處若
官員卓異後或回本任或陞轉他省有犯貪
贓不法之款其原薦舉之各上司如同在一
省不行揭報題叅或已不同省無從揭報題
叅者各照例分別覈議

例載處分則
例軍政門

其同在

一省卽能揭報題叅者免其處分此等濫舉
之各上司處分俱不准議抵至卓異後別犯
贓劣經同薦舉官揭報題叅將原薦舉各官
一體免議

典當軍器

一官員兵丁將關給軍器衣甲旗幟私當者係
官叅革兵丁革退俱照律治罪失察之該管
地方將領各官照例議處

例載處分則
創軍器門

火藥局被轟

一各省存貯火藥局該管各官若不加謹巡防
以致被轟者將同城專管兼統各官及不同
城之兼統各官與平時防範不嚴之提督總
兵各照例議處

例載處分則
例火禁門

燒燬兵房盔甲器械

一官兵汛署係民間失火延燒以致燒燬房屋
盔甲器械等物者該管官仍按向例燒燬房
屋數目分別議處房屋盔甲器械准其動項
造補係該管兵丁汛守處所起火燒燬或本
官衙署巡防不謹以致燒燬者將該管官照
例分別議處

例載處分則
例火禁門

兵丁治罪燒燬之

房屋盔甲等項著落該管官賠補

嚴禁兵丁重利放賬

一兵丁有違禁重利放賬者將兵丁革退本管
官失於察出或明知故縱不行禁止分別議
處能自行查出者免議若本管官希圖射利
放與本營及別營兵丁以致坐扣錢糧者題
叅革職仍計贓治罪該管上司分別知情失

察照例覈議

例載處分則
例營伍門

輪派大員稽查臺灣

乾隆五十三年三月內奉

上諭前因臺灣孤懸海外遠隔重洋民情刁悍奸徒易於滋事向來親派御史前往巡視職分較小且不能備悉該處情形殊屬有名無實是以降旨將請派巡臺御史之例停止令該督撫及水師陸路兩提督每年輪值一人前渡臺灣嚴行稽察如地方文武有飢法營私擾累兵民之事卽可就近查明據實參奏今思福州將軍亦係該省大員自應一體輪派嗣後著

欽定中樞政考

卷二十

營伍

三

該省將軍與督撫提督分年輪值一人前渡臺灣實力稽查整頓以期永靖海疆倘有仍前骹法貪黷等情卽行據實叅辦至海洋風信靡常前已降旨令該督撫等祇須俟風信平穩時配渡前往不必拘定時日但遠渡重洋究係涉險如該將軍督撫提督內有年逾七十者著免其前往以示體恤欽此

查開臺灣官弁

乾隆五十三年六月內奉

諭臺灣鎮道各員令將軍督撫提督大員於每年輪
往查察將鎮道府廳備弁佐雜各員通行查覈具奏
倘有貪縱殃民款蹟別經發覺將未經叅劾之員從
重治罪欽此

臺灣兵民不法文武推諉徇縱

一臺灣地方民人不法許武員移送地方官究

治兵丁生事亦許文員關會營員責懲如有

彼此推諉或有意徇縱者各照例議處

例載處分

則創禁
伍門

臺灣禁止私藏弓箭腰刀等項

臺灣地方除熟番屯丁應用器械及民間業
刀農具外如有私藏弓箭腰刀撻刀半截刀
標鎗長矛等項及私造各色旗幟該地方官
均照失察販賣軍器例分別議處

例載處分
則例軍器

門

臺灣兵丁滋事

一臺灣係海疆重地換班兵丁由內地各營派往該管官詳加遴選將勤慎安分之人派往其不安分者當卽革伍不准派往至到臺後責令臺營該管各官嚴行約束如兵丁酗酒毆斃人命將臺營不能約束之該管官及兼轄官並原營派撥不慎之員各照例議處若結會拜盟糾夥持械欺壓良善及逼索詐奸擾害地方以致釀成事端者將臺營不能約

東之該管官及兼統各官並總兵與原營派

撥不慎之員各照例議處

例載處分則
例營伍門

臺灣換班兵丁脫逃

臺灣換班兵丁中途脫逃將防範不嚴之管帶官并原營派撥不慎之員均照例按名分別覈議至班兵到臺灣後責令臺灣該管營員嚴加約束如在臺灣地方脫逃令臺灣該管營員緝拏若換回內地在中途脫逃仍責令原營該管各官緝拏百日限滿不獲均照營兵私逃例分別議處

例載處分則
例緝逃門

臺灣兵丁換班頂替

一臺灣各營兵丁三年爲滿由內地各營派往
更換各該營造具年貌籍貫併註明疤瘡集
斗清冊三本一存原營一送在廈門點兵官
查驗一交臺灣各營驗明收伍換回之日仍
照冊查對發回各原營其在臺灣逃亡汰革
兵缺不得在臺灣募補俟臺灣報除兵丁文
到之日各原營卽將年力精壯有家業者選
撥到廈門無論水陸計有十名以上卽撥隊

長一名管押搭船前往歸伍如換班時有私
相頂替換名不換人者將帶兵換班之千總
把總并容隱不報之內地該管將弁及在臺
灣該管官員與未經查出之提督總兵均照
例分別議處例載處分則總督交吏部查議
如查出揭報題叅者俱免議

臺灣文武官員互相稽察

一臺灣遊擊守備等官有貪酷乖張以致起釁生事者叅革提問叅將副將總兵如徇庇不行揭報或止於失察均照例分別覈議若文職同知以下等官有貪酷乖張起釁生事武職瞻徇隱匿不行告知總督巡撫者照例議處

例載處分則
例營伍門

調臺官員酌帶跟役

一調補臺灣武職所帶人役總兵副將三十名
叅將遊擊都司二十名守備以下等官十名
旗員外任綠營武職照漢官加一倍如該處
數多帶者照例議處

例載處分別
例儀式門

召募餘丁認真選擇

嘉慶五年八月內奉

上諭各省營伍遇有名糧缺出於餘丁內挑選充補全
在該管各員認真查驗擇其年力精壯材技可觀者
充補名糧隨時訓練方可整成勁旅乃綠營千把總
多係本地之人每遇召募餘丁瞻顧情面任意挑補
及上司考驗時亦意存將就迨至拔補戰糧馬糧卽
在此項餘丁內分別挑補以致兵丁率多軟弱且兵
丁內有年老力衰者並不隨時斥革甚至減去年歲

更換名字開伍入伍百弊叢生遇有徵調不能得力
各省營伍廢弛實由於此外省屬員逢迎餽送最爲
州縣陋習節經降旨嚴行飭禁而緣營亦往往效尤
卽如上司到任三日內所屬爲之備辦供應家人亦
多方勒索及至生辰賀喜等事屬員皆致送禮物或
索取土儀若遇上司巡查營伍公出經過營汛爲之
豫備公館鋪設供帳以華侈爲能此等積弊在文員
係剝削民間肆行擾累而武弁則惟剋扣兵糧藉端
雕派似此陋習相沿尙安望其整飭營伍訓練兵丁

手著通諭各省督撫提鎮轉飭所屬一體旅行禁止
嗣後召募餘丁務須秉公選擇將身材健壯者挑取
以備充補名糧勤加操練俾技藝各臻純熟並將供
應餽送一概飭禁以肅營伍倘此次訓誡之後仍敢
陽奉陰違別經發覺或被科道糾叅定將各督撫提
鎮及該管各官一併嚴加懲治將此通諭知之欽此

標營不得多設字識

一直省各標營衝繁營分每兵百名字識不得
過三名簡僻營分每兵百名字識不得過二
名各按定數造冊報部查覈如有額外多設
者照虛冒兵餉例治罪

營兵煎販私鹽

營兵煎販私鹽該管官知情徇縱或失察

察者分別覈議其失察之兼轄統轄官亦照

例議處

例載處分則
例營伍門

若該管官自行查拏究

辦者免議

竊賊充伍

一竊賊濫充行伍該管官知情徇庇或並不知情誤准投充者照例分別議處

例載處分則例營伍門

欽定中樞政考目錄卷之二十

綠營

軍政

軍政開列大員

提鎮造送軍政履歷違限

武職五年軍政

年老官員保薦卓異

綠營軍政卓異人員定額

卓異官領咨赴部遺漏卓異字樣議處

保薦人員下次降爲平等註銷卓異

卓異不合例人員

違例薦舉

卓異官貪酷不法原保上司處分

軍政之年不准告病乞休

武職舉劾

大計叅劾官員不得籠統填註

不入舉劾官員填註考語

違例註考

軍政計典人員

計典察劾人員准其送部

相良爲貪

軍政開列大員

乾隆二十四年二月內奉

上諭向來內外文武三品以上大員遇京察軍政之年
援例自陳文具相沿無裨實政曾經降旨停罷第念
伊等游陟崇階並由特簡其人賢否優劣雖已均在
洞鑒然其間亦不乏旅進旅退苟圖持祿戀棧之人
若以平時假無大過足干吏議又不按例甄覈任其
週翔日久必致職業不揚甚非澄敘官聯之道嗣後
吏部於京察時將在京之尙書侍郎以下至三品京

堂以上在外之總督巡撫分列爲二本兵部於軍政
時將在京之都統副都統在外之駐防將軍都統副
都統各省之提督總兵官分列爲三本繕具簡明履
歷清單進呈候朕鑒裁以重考績大典著爲令欽此

提鎮造送軍政履歷違限

凡軍政之年各省提督總兵等將履歷事實
造冊於十月內送部如不遵照例限送部者

兵部題叅將提督總兵照例議處

例載處分則劄軍政

門

武職五年軍政

一武職五年一次軍政將上屆軍政以後所行之事並事故俱行開註副將以下千總以上屬總兵所管者總兵註考不屬總兵管轄各員該副將叅將等官註考其註考時將各官履歷賢否實蹟造具清冊填註考語徑送總督提督處總督提督再嚴加考覈確定去留各註考語造冊密送在京巡捕五營將備各門千總由步軍統領衙門填註考語造冊開

送至直省衛所各官經管錢糧員弁令布政
司及該道詳註考語呈送漕運總督細加甄
別仍會同該總督巡撫填註考語造冊開送
一內外軍政考選各官陞任裁缺降調離任一
年以上者舊任不必註考於新任註考不及
一年者仍令舊任註考其出差在一年以內
仍一體註考一年以外者免其考察其出兵
一年以外除不入薦舉者毋庸考察外若堪
薦薦舉者仍准其卓異俱於十月內具題到

部兵部會同都察院兵科京畿道查覈題覆
一軍政薦舉官員必須才技優長年力精壯馭
兵有術紀律嚴肅給餉無虛兵民相安厯俸
已滿三年者方准薦舉具題奉

旨交部院議覆其與例相符應准卓異之員如係遊
擊以上官引

見未滿三年者兵部具奏請
旨不必送部引

見以卓異加一級註冊照例陞用至引

見已過三年及未經引

見並都司以下引

見未滿三年者俱令其送部兵部帶領引

見後以卓異加一級註冊回任候陞若不候部院題

覆遽行送部者將該管大臣照例議處

例載處分

則例軍政門

千總已於俸滿保舉送部引

見者毋庸再行送部伊犁烏嚕木齊守備以下亦毋

庸送部兵部查明與例相符者題明以卓異

加一級註冊照例陞用

一官員內有居官清廉能幹其降黜之案係因公呈誤歷俸已滿三年者俱准其薦舉卓異其歷俸未滿三年及有私罪降革留任處分並承緝盜案例應降級降調概不准薦舉卓異異若盜案例止罰俸完結亦准其薦舉卓異此內薦舉官員除本省閱歷數任及輾轉陞署或緣事開復扣算未清者兵部覈明未滿三年照例不准卓異該總督巡撫提督總兵免其查議其自到任之日起扣至該總督巡

撫提督總兵具題之日止俸次易於扣算未
滿三年違例薦舉者卽將該提督總兵隨本
查議照越次保題例議處

例載處分則
總督
例軍政門

巡撫交吏部議處

年老官員保薦卓異

一各省將備千總如有年齒雖老精力尙健弓馬嫻熟出兵著績者該總督巡撫等出具切實考語仍准其保薦卓異另冊送部至年已逾歲精力雖未衰頽但素無勞績弓馬亦不能出色僅堪留任之員止應列入平等概不准保薦卓異如列入薦舉者照違例薦舉例議處

例載處分則
例軍政門

綠營軍政卓異人員定額

- 一武職軍政計缺定額巡捕營准薦守備以上
- 二員千總一員直隸省准薦守備以上八員
- 千總四員山東省准薦守備以上三員千總
- 一員山西省准薦守備以上四員千總二員
- 河南省准薦守備以上二員千總一員江南
- 省准薦守備以上六員千總三員江南河標
- 准薦守備以上二員千總一員漕標衛所准
- 薦守備二員千總六員江西省准薦守備以

上三員千總一員浙江省准薦守備以上六員千總三員福建省准薦守備以上七員千總四員廣東省准薦守備以上九員千總四員廣西省准薦守備以上四員千總二員湖南省准薦守備以上四員千總二員湖北省准薦守備以上三員千總一員陝西省准薦守備以上七員千總二員甘肅省准薦守備以上九員千總二員雲南省准薦守備以上五員千總二員貴州省准薦守備以上六員

留烏鎭捍衛者准照舊存留刊刻姓名鐫註
字樣具呈地方官編號登冊以備稽查其餘
平川各府州所屬除近山村莊亦准存留外
餘概不准存留

卓異官領咨赴部遺漏卓異字樣議處

一卓異官員續有題陞推陞等項均歸入卓異

案內給咨送部如領咨時該員並不呈明文

內遺漏卓異字樣者將該員照例議處

例載處分

則例軍政門

保薦人員下次降爲平等註銷卓異

一綠營衛所武職薦舉卓異至下次軍政時除
續有承督未結案件並停陞等項事故例不
准再舉者仍准存留上次卓異外其因較俸
尙未陞用下次考覈列入平等者卽將上次
薦舉卓異加級註銷不准仍歸卓異班次陞
用

卓異不合例人員

雍正元年二月內奉

上諭嗣後卓異官員有不合例者將何人保舉並與例不符情由另行開明具奏欽此

雍正十二年四月內奉

旨各省卓異人員均有現任地方之責每當大計之年理應先行具本候旨交部院察議其與例相符應准卓異者奏聞令其來京引見其與例不符不准卓異者候朕酌量應令引見與否再降諭旨如此則地方

事務不敢或弛而與例不符之人亦不徒費往返並

著爲例

違例薦舉

一將現有承督盜案例應降級降調及私罪降革留任之官薦舉及濫將匪人徇情薦舉者提督總兵並申報開報等官各照例分別議

處

例載處分則
軍政門

總督巡撫交吏部覈議

卓異官貪酷不法原保上司處分

一武職卓異之員原任內有貪酷不法之處原薦舉官卽行揭報題叅者免議如不行揭報題叅將原薦舉之提督總兵副將叅將遊擊等官均照例議處總督巡撫交吏部議處若官員卓異後或回本任或陞轉他省有犯貪贓不法之款其原薦舉之各上司如同在一省不行揭報題叅或已不同省無從揭報題

叅者各照例分別覈議

例載處分則

其同在

例軍政門

一省卽能揭報題叅者免其處分此等濫舉
之各上司處分俱不准議抵至卓異後別犯
賊劣經同薦舉官揭報題叅將原薦舉各官
一體免議

軍政之年不准告病乞休

一各省副將以下營衛千總以上如遇軍政之年不准告病乞休以杜規避如於未經該督撫考驗之先遽請告病乞休者卽勒令休致若已經該督撫考驗之後續有告病乞休者仍准其告病乞休

武職舉劾

一 直省總兵不准薦舉外其副將叅將遊擊都司守備千總每二年半薦舉一次該總督巡撫等盡心詳查必須才技優長年力精壯馭兵有術紀律嚴明給餉無虛兵民相安任內並無違礙事故者每省准其薦舉一二人專疏保題給咨送部引

見如奉

旨准其薦舉回任候陞兵部各按定例辦理如無賢

能出色之員毋庸薦舉若將有盜案例應降
級降調及私罪降革留任之員薦舉及薦舉
後現任內有劣蹟之處將原薦舉之上司俱
照軍政例議處例載處分則此外如有劣員
一併糾叅照軍政八法例分別議處若遇軍
政之年卽將舉劾停止

大計叅劾官員不得籠統填註

乾隆二十四年十月內奉

上諭外省大計八法官員均關澄敘大典內如貪酷三款既有實蹟例應特疏題叅另行審結其年老有疾罷軟無爲才力不及等款尙屬見聞所共知至不謹浮躁官員向來叅本內俱未將其何事不謹何事浮躁一一聲敘此內或有公事本屬無誤而節目偶爾濶疎才具尙可有爲而氣質不無粗率此等人員其才未必不堪造就上官不能舍短取長但以意見不

甚相洽遂概登之白簡固屬可惜甚或該員平日本有敗檢踰閑而該督撫意存瞻徇僅予避重就輕借此爲周旋劣員捷徑者均非整飭官方之意嗣後三年計典內如有不謹浮躁等官俱著確按實蹟詳細登註不得籠統叅劾以昭慎重著爲令欽此

不入舉劾官員填註考語

一不入舉劾官員詳開履歷填送文冊將該員散給兵餉訓練營伍騎射年力及緝盜安民若何該管上司逐一詳晰填註至衛所官經手錢糧有無虧空及辦事勤惰之處亦令各該上司詳晰填註考語以憑考覈

違例註考

一軍政填註考語含糊參差及將應註考語者
不註不應註考者違例註考或開報年歲不
符並失註去留者將該管大臣并申報之該
管官均照例分別議處其不由申報官係該
管大臣自行填註者卽將該管大臣照申報
官例處分如將舉劾官員合爲一本具題者
將該管大臣照例議處

例載處分則
例軍政門

軍政計典人員

一考選軍政入於計典人員通爲一本奏奏貪
酷有款者革職提問如事在

赦前免罪永不敘用不謹罷軟者革職年老患病者
勒令休致才力不及者降二級調用浮躁者
降一級調用不准援

赦其任內一應加級紀錄不准抵銷

一不謹浮躁等款於題奏本內將該員確按實
蹟詳細登註不得籠統奏劾

一軍政糾叅罷軟年老有疾官員無論曾否出兵仍照例革職勒休外其年老官員內如曾經出兵効力而精力未甚衰憊尙可辦事者或仍留原任或調補簡缺該總督巡撫提督總兵酌量辦理請

旨遵行

一滿洲蒙古漢軍人等身任綠營如遇軍政叅劾曾經出兵打仗受傷及有功牌者俱照綠營之例辦理

一職官兼世職由職任糾叅貪酷不謹罷軟者
將世職一併革退如有職任官糾叅才力不
及並浮躁者將職任官降調留其世職仍每
級折罰世職半俸三年

計典叅劾人員准其送部

雍正十年七月內奉

旨王鑰著照部議降二級調用仍著送部引見向來大計叅劾官員除貪酷發審外其餘著送部引見嗣後特叅文武官員比照大計之例如浮躁不及等款者亦著送部引見永著爲例項朝選曾經引見記名並非庸劣之員今李燦以躁妄叅奏未可憑信著暫停降調送部引見再降諭旨欽此

嘉慶八年五月內奉

上諭各省大計軍政關係激揚鉅典向來六法劾叅人員循例引見者均係按例降革勒休原以甄別人材責成既專自當照議黜陟以示勸懲昨日兵部帶領武職官員引見內有劾叅有疾之原任湖南岳州衛守備周代暄劾叅罷軟之原任山西吉州營千總許大詔均係軍政案內應劾之員本應照例休致革職朕以該二員從前在河南湖北軍營曾經出力且所叅係有疾罷軟尙無別項劣款特降旨將周代暄以千總補用許大詔以把總補用此係朕軫念微勞格

外施恩非可援以爲例此後大計軍政被察之員不得妄思僥倖也將此通諭知之欽此

一軍政入於計典官員部院分別照例議處開缺內如浮躁才力不及不謹罷軟年老有疾等官該總督巡撫提督總兵詢問伊等有情願赴部者自部覆文到之日起限六個月內呈請給咨赴部引

見如過六個月者俱毋庸送部如該總督巡撫提督總兵指不給咨勒令回籍者許其呈明原籍

總督巡撫提督總兵給咨赴部引

見

一軍政叅劾人員情屬冤抑及避重就輕等弊

發覺將該提督總兵并原報之兼轄等官均

照例分別議處

例載處分則
例軍政門

其平時特叅官

員有浮躁才力不及等款者亦照此例行

屈其爲貪

將廉能官員屈爲貪劣題叅審問涉虛者將
捏揭之該管等官照例議處至提督總兵或
係捏叅或係失察照例分別覈議

例載處分
則例考劾

門